

Na osnovu člana 16. stav 4. Zakona o Vladi Zeničko-dobojskog kantona - Prečišćeni tekst („Službene novine Zeničko-dobojskog kantona“, broj: 7/10), Vlada Zeničko-dobojskog kantona, na prijedlog Ministarstva za obrazovanje, nauku, kulturu i sport, na 7. sjednici, održanoj 22.04.2015. godine, d o n o s i

ZAKLJUČAK

I

Prihvata se Mišljenje Ministarstva za obrazovanje, nauku, kulturu i sport Zeničko-dobojskog kantona, broj: 10/01-27-7742/15 od 09.04.2015. godine o Inicijativi poslanika Sinanović Adela za stavljanje van snage Uputstva o načinu rada ispitne komisije za vozače motornih vozila i stavljanje van snage zadnjeg poziva za odabir licenciranih ispitivača.

II

Zaključak sa Mišljenjem iz tačke I. ovog zaključka upućuje se u daljnju skupštinsku proceduru.

III

Zaključak stupa na snagu danom donošenja.

Broj: 02-_____/15.
Datum, 22.04.2015. godine
Zenica

PREMIJER

Miralem Galijašević

DOSTAVLJENO:

1x Skupština Zeničko-dobojskog kantona,
1x Ministarstvo za obrazovanje, nauku, kulturu i sport,
1x a/a.

**Bosna i Hercegovina
Federacija Bosne i Hercegovine
ZENIČKO-DOBOJSKI KANTON**

**MINISTARSTVO ZA OBRAZOVANJE,
NAUKU, KULTURU I SPORT**

Broj: 10/01-27-7742/15
Zenica, 09.04.2015. godine

**Vlada Zeničko-dobojskog kantona
Stručna služba Vlade
n/r sekretara**



**Bosnia and Herzegovina
Federation of Bosnia and Herzegovina
ZENICA-DOBOJ CANTON**

**MINISTRY OF EDUCATION,
SCIENCE, CULTURE & SPORT**

U skladu sa aktom Stručne službe Skupštine Zeničko-dobojskog kantona, broj: 01-27-7742/15 od 03.04.2015. godine, a vezano za Inicijativu poslanika Sinanović Adela za stavljanje van snage Uputstva o načinu rada ispitne komisije za vozače motornih vozila i stavljanje van snage zadnjeg poziva za odabir licenciranih ispitivača, dostavljamo Vam sljedeće

Mišljenje

**o Inicijativi poslanika Sinanović Adela za stavljanje van snage Uputstva o načinu rada
ispitne komisije za vozače motornih vozila i stavljanje van snage zadnjeg poziva za odabir
licenciranih ispitivača**

Na 6. sjednici Skupštine Zeničko-dobojskog kantona, poslanik Sinanović Adel podnio je inicijativu za stavljanje van snage Uputstva o načinu rada ispitne komisije za vozače motornih vozila iz razloga što isto nije u skladu sa Pravilnikom o načinu i uvjetima organiziranja ispita za vozača motornih vozila („Službeni glasnik Bosne i Hercegovine“, broj: 46/12) i Zakonom o osnovama sigurnosti saobraćaja na putevima u BiH („Službeni glasnik BiH“, br. 06/06, 75/06, 44/07, 84/09, 48/10 i 18/13), te za stavljanje van snage zadnjeg poziva za odabir licenciranih ispitivača, tj. da se poništi konkurs dok se ne ispita da li ovo Uputstvo ima Zakonsko uporište.

Članom 2. Zakona o osnovama sigurnosti saobraćaja na putevima u BiH pripisana je obaveza organa Bosne i Hercegovine, entitetskih i kantonalnih organa i organa Brčko Distrikta Bosne i Hercegovine i organa lokalne samouprave i lokalne uprave u gradovima i općinama da osiguraju provođenje ovog Zakona i u okviru svoje nadležnosti donose propise i preduzimati druge potrebne mjere za njegovo dosljedno provođenje.

Članom 179. stav (1) i (2) istog Zakona propisano je da su za poslove provođenja i organiziranja polaganja vozačkog ispita odgovorni organi entiteta, kantona i Brčko Distrikta Bosne i Hercegovine, nadležni za obrazovanje, da se polaganje vozačkog ispita vrši se pred komisijom koju imenuju organi iz stava (1) ovog člana, a predsjednik komisije i njeni članovi imaju licencu za ispitivača.

Kako je članom 4. Ustava FBiH u nadležnost kantona dato „utvrđivanje obrazovne politike, uključujući donošenje propisa o obrazovanju i osiguranje obrazovanja“, te kako se shodno članu 5. stav (1) Zakona o organizaciji organa uprave u FBiH („Službene novine FBiH“, broj: 35/05), nadležnost kantonalnih organa uprave utvrđuje zakonom kojim se uređuje određena upravna

oblast, to prizilazi nesporn zaključak da je na području Zeničko – dobojskog kantona pitanje provođenja i organiziranja polaganja vozačkog ispita u isključivoj nadležnosti Ministarstva za obrazovanje, nauku, kulturu i sport!

Pravilnikom o načinu i uvjetima organiziranja ispita za vozača motornih vozila nije propisana obaveza organa nadležnih za obrazovanje da „propisuje kriterije i način odabira kandidata u ispitnu komisiju, broj ispitivača, a niti postupak odabira kandidata za ispitnu komisiju“.

U vezi sa navedenim ističemo da je članom 4. navedenog Pravilnika predviđeno da nadležno tijelo propisuje i organizira način rada ispitnih komisija i ispitivača za pojedine nastavne oblasti, određuje datum, mjesto i vrijeme polaganja ispita, kao i način zaduženja i razduženja dokumentacije i obavijest kandidata o datumu polaganja.

U skladu sa navedenom odredbom Ministarstvo za obrazovanje, nauku, kulturu i sport Zeničko – dobojskog kantona i donijelo je Uputstvo o načinu rada Ispitne komisije za vozače motornih vozila („Službene novine Zeničko-dobojskog kantona“, broj: 13/12, 20/12, 07/13 i 02/14).

Kriteriji za imenovanje u ispitnu komisiju za vozače motornih vozila Zeničko-dobojskog kantona propisani su članom 178. stav (2) i (3) Zakona o osnovama sigurnosti saobraćaja na putevima u Bosni i Hercegovini i članom 8. Pravilnika o načinu i uvjetima organiziranja ispita za vozača motornih vozila.

Ministarstvo za obrazovanje, nauku, kulturu i sport Zeničko – dobojskog kantona, po osnovu diskrecionog prava ministra i zakonskog ovlaštenja iz člana 179. stav (1) i (2) Zakona o osnovama sigurnosti saobraćaja na putevima u Bosni i Hercegovini, a uvažavajući principe teritorijalno-općinske, spolne i nacionalne zastupljenosti ispitivača, vrši imenovanje ispitne komisije za vozače motornih vozila Zeničko-dobojskog kantona na jednogodišnji mandat, pri čemu svi imenovani ispitivači moraju ispunjavati propisane uslove iz člana 178. stav (2) i (3) Zakona o osnovama sigurnosti saobraćaja na putevima u Bosni i Hercegovini i člana 8. Pravilnika o načinu i uvjetima organiziranja ispita za vozača motornih vozila.

Prije samog imenovanja Ministarstvo provedi i propisanu proceduru iz člana 2. Uputstva o načinu rada Ispitne komisije za vozače motornih vozila.

U vezi sa navedenim, a kako uvaženi poslanik svoju inicijativu zasniva na inicijativi „Udruženja licenciranih ispitivača motornih vozila“, moramo navesti da je žalba predsjednika navedenog Udruženja „na postupak imenovanja ispitne komisije za vozače motornih vozila Zeničko – dobojskog kantona“ odbijena Rješenjem Drugostepene komisije Vlade Zeničko – dobojskog kantona, broj: 02-34-2820-17-1/13 od 07.06.2013. godine kao neosnovana, nakon čega je i Kantonalni sud u Zenici svojim Rješenjem, broj: 040 U 005733 13 U od 12.12.2013. godine odbacio tužbu imenovanog kao nedopuštenu.

Na osnovu prethodno navedenog nesporno je da je naše „Uputstvo o načinu rada Ispitne komisije za vozače motornih vozila“ usklađeno sa odredbama Zakona o osnovama sigurnosti saobraćaja na putevima u BiH i Pravilnika o načinu i uvjetima organiziranja ispita za vozača motornih vozila, te s tim u vezi predlažemo da se donese zaključak o odbijanju navedene inicijative.

PRILOG:

- Rješenje Drugostepene komisije Vlade Zeničko – dobojskog kantona, broj: 02-34-2820-17-1/13 od 07.06.2013. godine.
- Rješenje Kantonalnog suda u Zenici, broj: 040 U 005733 13 U od 12.12.2013. godine.

Dostavljeno:
1x Naslov
2x a/a 01-06/07

MINISTAR
Mensur Sinanović